

世補齋醫書前集

石澍云

楊剛病擇

光緒九年秋日

世補齋不謝方

戴文龍題



世補齋不謝方小引

疾病二字世每連稱然今人之所謂病於古律稱爲疾必其疾之加甚始謂之病病可通言疾疾不可遽言病也子之所慎者疾疾者未至於病及子路請禱又欲使門人爲臣則曰子疾病左傳於魏顛輔氏之役述其父武子疾旣而曰疾病又陳文子召無字於萊亦曰無字之母疾病此皆以病字別爲一句病之爲言困也謂疾至此困甚也故內經四氣調神論曰聖人不治已病治未病病已成而後藥之譬猶渴而掘井鬪而鑄兵不亦晚乎經蓋謂人於已疾之後未病之先卽當早爲之藥乃後人以疾爲病認作服藥於未疾時反謂藥

以治病未病何以藥爲不知經言未病正言已疾疾而不治  
日以加甚儀禮旣夕記疾病外內皆埽鄭注疾甚曰病鄭於  
喪大記首句義同並足取以證說文疾病也病疾加也兩義  
再證以周禮疾醫賈疏引漢書藝文志有病不治恒得中醫  
則謂藥不中病不如勿藥非謂旣病而可弗藥也彙而觀之  
可見病甚而藥藥已無及未至於病卽宜藥之此則內經未  
病之旨豈謂投藥於無疾之人哉夫病必使之去不可使之  
留內經最惡留病故曰百病之始生也必先於皮毛留而不  
去傳入於府廩於腸胃又曰風寒客於人病入舍於肺弗治  
病卽傳而行之肝弗治肝傳之脾脾傳之腎腎傳之心滿十

日法當死故又謂善治者治皮毛其次治肌膚治筋骨治六府治五藏治五藏者半死半生也然則如經所云邪之新客未有定處推之則前引之則止時顧可留其病而弗使去乎醫以能治大病爲上醫正以不使病大爲能人之言曰不使病大則病家并不信內經十日以後事卽此十日內不速去之病爲之故病愈而不謝病愈之速而更不謝曲突徙薪者必無恩澤也雖然病而不愈必大惟其愈之能速而凡後此傳變皆消弭於無形所以有此人不及知而已獨知之之妙余只問其病之愈不愈遑計人之知不知哉今錄諸方存之卽名之曰不謝方云江左下工自記

風寒溫散 此卽俗所稱小傷風也其冬月正傷寒須

用桂麻青龍者不在此例切忌早用寒涼

防風 荆芥穗 紫蘇葉 薑半夏 廣陳皮 枳殼 苦

桔梗 炙甘草 加生薑去皮 頭痛甚加藁本 蔓荆子

風熱涼散 此卽風溫之輕者凡羌獨柴前芎芷升葛

隨證可加病與風寒無大異獨不得用桂麻

防風 荆芥 蘇薄荷 霜桑葉 淡竹葉 連翹 生山

梔 廣橘紅 枳殼 桔梗 炙草 加連鬚蔥白頭

風寒挾食 甚者須用硝黃不在此例凡有感冒腸胃

卽不健運非必傷於食也

防風 荆芥 建神麴 焦穀麥芽 萊菔子 南查炭 桔

梗 蘇梗 或加雞內金 或加檳榔枳實 酒客加葛花枳椇子

風寒挾痰 寒水為病、水即痰也、故有感冒、每涉於痰、

甚則須用膽星竹瀝葶藶之屬、

防風 荆芥 半夏 陳皮 萊菔子 白芥子 蘇子

江枳實 竹茹 雲茯苓 炙草 便溏蘇子易蘇梗

風寒挾溼 寒溼之病上甚為熱 以上三證、亦有因

於風熱者、無論何病、有此三挾、皆可檢用三方之藥、

羌活 獨活 防風 蒼朮 藿香 廣木香 川厚朴

豬苓 赤茯苓 建澤瀉 或加漢防己

○傷寒成溫 寒一化熱便忌桂麻甚則須用膏黃大忌  
滋膩等藥及珠黃冰麝凡在溫熱病皆然

葛根 黃芩 川黃連 生山梔 淡豆豉 牛蒡子 連

翹 赤芍 丹皮 桔梗 生草 或加蔥白頭

○冬溫 冬月病熱卽是冬溫不可用正傷寒之桂麻甚

則亦有須用膏黃芩連者

玉竹 白微 生山梔 赤芍 丹皮 桑白皮 知母

白杏仁 桔梗 生草 用臘雪水煎

○春溫 春月病熱卽是春溫宜忌與冬溫同 以上二

證卽傷寒論中之溫病也



柴胡 葛根 黃芩 黃連 薄荷 桑葉 連翹 生山

梔 赤芍 丹皮 生草 肝熱加羚羊角 腎熱加黃柏 知母 龍膽草

○風温 春為風 風温在春為多 凡目赤頤腫牙疼喉痧 皆是其微者 但為風熱

防風 川芎 左秦艽 薄荷 桑葉 淡竹葉 連翹

金銀花 射干 馬勃 桔梗 生草 欬加 杏仁 橘紅

溼温 此證多見於首夏初秋 甚者用蒼朮白虎湯 凡一人獨病之温 通不得謂為瘟疫

白芷 製蒼朮 厚朴 薏仁 川黃柏 川棟子 豬苓

赤苓 澤瀉 或用茵陳蒿 或加 牛膝 車前 川草薺

夏暑 暑卽熱也亦曰中暍其別有乘涼飲冷而病者

爲寒霍亂須用理中四逆及諸辛熱方者不在此例

香薷 扁豆衣 厚朴 黃連 蘇葉 藿香 青蒿 宣

木瓜 赤苓 澤瀉 酌加諸六一散 熱甚不禁西瓜

秋燥 此證最多欬逆不用桂麻甚者須用石膏其陽

明燥金重候不在此例

薄荷 桑葉 杏仁 川貝母 牛蒡子 栝蘘根實 桔梗

生草 加枇杷葉 喉痛加射干馬勃

溼痰 隨證可加膽星枳實竹瀝之屬其土弱木強可

用香砂六君歸芍六君者不在此例

半夏 陳皮 茯苓 枳殼 竹茹 萊菔子 白芥子

厚朴 蘇梗 藿梗 或加砂仁 豆蔻 嘔加生薑

燥痰 痰在脾為溼。在肺為燥。治脾宜燥。治肺宜潤。其

痰一也。而經病不同

旋覆花 杏仁 橘紅 知母 貝母 栝蘆根 紫苑

款冬花 枇杷葉 冬瓜子 或加馬兜鈴 青黛 海浮石

寒飲 此為寒水之病。金匱詳言之。法宜溫中。甚者須

用小青龍理中四逆真武諸方

半夏 陳皮 茯苓 乾薑 製附子 枳實 白朮 炙

草 氣滯甚加厚朴 胃寒甚加公丁香 吳茱萸 益智仁

結胸 此證詳見傷寒論與痞相似不痛為痞痛者結胸有大小之別治不外和胃解結開通上下

栝蘘實 枳實 厚朴 黃芩 黃連 乾薑 半夏 陳

皮 茯苓 炙草 寒實去苓加薤白 水結胸加附子

痧疹 二證升散清涼宜合用之不可偏廢甚者須用

石膏切忌犀角

升麻 葛根 柴胡 黃芩 赤芍 元參 金銀花 連

翹 牛蒡子 生山梔 生草 或加殭蠶 西河柳 蟬蛻

瘧 此證往來寒熱發作有時得汗解而復作因於暑者必用香薷其久瘧涉虛須用何人飲者不在此例

柴胡 羌活 防風 半夏 黃芩 厚朴 枳殼 製香

附 蘇梗 炙草 寒多加桂枝。搜根須用檳榔。

痢 此證以裏急後重得除為驗。涉暑亦須香薷。其五

更泄瀉須用四神丸者。與此相反。并忌桂枝。

厚朴 檳榔 枳實 神麴 查炭 黃連 木香 赤芍

丹皮 黑山梔 赤苓 澤瀉 甚者須用大黃

淋濁 由心經蘊熱及溼熱下注者多。其虛勞失精之

宜補澀者。不在此例。自遺夢遺。亦有不盡屬虛者。

瞿麥 扁蓄 黃柏 川棟子 海金砂 豬苓 赤苓

澤瀉 滑石 莖中痛加甘草稍 甚者須青麟丸

失血 血證多矣。初起必有所因。凡理氣達鬱、清熱降火之法，俱不可廢。不卽是虛勞也。

赤芍 丹皮 當歸身 延胡索 川鬱金 台烏藥 黃

芩 黑山梔 有淤加參三七 火熱甚用犀角地黃湯

腰痛 此證諸經皆有之。而在太陽者最輕。經云：腰爲腎府，轉搖不能，腎將憊矣者，不在此例。

獨活 防風 青皮 枳殼 蘇梗 烏藥 延胡索 白

朮 赤芍 茯苓 炙草 連脇痛加柴胡 兼脹加木香

耳聾 此證每屬少陽而瘡後尤多。其爲腎虛之宜磁  
硃丸者，不在此例。耳鳴亦然。

柴胡 川芎 黃芩 赤芍 半夏 陳皮 厚朴 枳殼

竹茹 茯苓 炙草 風熱加牛蒡 溼熱加蒼朮

陽為陰遏 此證陽氣為陰寒所抑非陽之虛乃陽之

鬱也故貴升陽散火以達火鬱與宜補之陽相反

升麻 柴胡 羌活 獨活 黃芩 半夏 陳皮 青皮

白朮 白茯苓 生炙 甘草 涉虛者補中益氣湯

肝陽不升 木火宜升暢遂條達則無病俗有所謂肝

陽升者其實肝鬱不伸也故宜暢達

柴胡 當歸身 赤芍 川芎 香附 木香 鬱金 丹

皮 川棟子 有火者加羚羊角 達鬱用 越鞠丸

女科調經 經阻之甚者須用桃仁紅花其作痛經者  
須蒲黃靈脂有帶宜先治帶

川芎

柴胡

當歸

身尾

赤芍

丹皮

香附

延胡索

石決明

鬱金

澤蘭葉

寒加炮薑炭

止帶 止者以通爲止也甚者須蒼朮厚朴有寒宜炮

薑附子並須茵陳此證寒溼溼熱皆有之

茵陳蒿

黃柏

黑山梔

赤芍

丹皮

牛膝

車前

豬苓

茯苓

澤瀉

或加三妙丸

胎前 苓朮爲安胎聖藥凡疰夏諸方皆可移治惡阻

其保產無憂散亦必用之藥不見虛證切忌滋補



黃芩 白朮 砂仁 蘇梗 當歸身 赤芍 丹皮 炙

草 氣滯之甚少加羌活 厚朴 枳殼

產後 臨產不外開骨散產後不外生化湯皆主佛手

散一法并須連服方效若見他病須照病治

川芎 當歸身 炮薑炭 單桃仁 炙草

淤阻加蒲黃 延胡索 甚者加五靈脂

兒科 兒病都從食上起故以消導為主凡急驚用清

法慢驚用溫法並忌冰麝蛇蝎珠黃金石及滋補藥

建神麴 焦芽穀麥 半夏 陳皮藿木 枳殼 山藥

炙草 和中加薑棗 熱加黃連 有蟲加使君子 木樨子 寒加乾薑